



Broj: 13-11-4-5297/25
Sarajevo, 30.09.2025. godine

Na osnovu člana 70. stav (4) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o poništenju postupka javne nabavke

I

Poništava se postupak javne nabavke roba „Nabavka lične i kolektivne opreme za strukture CZ“.

II

Za izvršenje ove Odluke zadužuje se Služba za zajedničke poslove Općine Novo Sarajevo.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

IV

Ovom Odlukom stavlja se van snage Odluka o izboru najpovoljnijeg drugorangiranog ponuđača broj: 13-11-4-5297/25 od 01.08.2025. godine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-5297/25 od 26.05.2025. godine.

Procijenjena vrijednost javne nabavke sa PDV-om je: 150.000,00 KM (slovima: stotinupedesethiljada i 00/100 konvertibilnih maraka).

Obavještenje o javnoj nabavci broj: 935-1-1-89-3-158/25 objavljeno je na Portalu javnih nabavki dana 10.06.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 02.07.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	VUMI d.o.o. Bijeljina	149.984,64 KM
2.	FIRE TRADE d.o.o. Srebrenik	149.996,34 KM
3.	EUROVEZ d.o.o. Tešanj	149.877,00 KM
4.	PASTOR M d.o.o. Mostar	149.988,15 KM



Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Komisija za javne nabavke roba, radova i usluga je izvršila analizu cijene ponude ponuđača FIRE TRADE d.o.o. Srebrenik, te konstatovala da ista unutar Obrasca za cijenu ponude sadrži računsku grešku. U skladu sa odredbama člana 9.5.1. tenderske dokumentacije ponuđaču FIRE TRADE d.o.o. Srebrenik je poslano obavještenje o ispravci računske greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača FIRE TRADE d.o.o. Srebrenik nakon ispravke računske greške iznosila je 159.789,24 (stotinupedesetdevethiljadasedamstotinaosamdesetdevet i 24/100 konvertibilnih maraka) KM sa PDV-om.

Ponudu ponuđača FIRE TRADE d.o.o. Srebrenik Komisija je ocijenila kao **neprihvatljivu** nakon ispravke računske greške iz razloga jer cijena iste prelazi planirana, odnosno obezbijedena novčana sredstva ugovornog organa za nabavku.

Komisija za javne nabavke roba, radova i usluga je izvršila analizu cijene ponude ponuđača PASTOR M d.o.o. Mostar, te konstatovala da ista unutar Obrasca za cijenu ponude sadrži računsku grešku. U skladu sa odredbama člana 9.5.1. tenderske dokumentacije ponuđaču PASTOR M d.o.o. Mostar je poslano obavještenje o ispravci računske greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača PASTOR M d.o.o. Mostar nakon ispravke računske greške iznosila je 154.668,15 (stotinupedesetčetirihiljadešeststotinašezdesetosam i 15/100 konvertibilnih maraka) KM sa PDV-om.

Ponudu ponuđača PASTOR M d.o.o. Mostar Komisija je ocijenila kao **neprihvatljivu** nakon ispravke računske greške iz razloga jer cijena iste prelazi planirana, odnosno obezbijedena novčana sredstva ugovornog organa za nabavku.

Ponude ponuđača VUMI d.o.o. Bijeljina i EUROVEZ d.o.o. Tešanj su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	EUROVEZ d.o.o. Tešanj	149.877,00 KM
2.	VUMI d.o.o. Bijeljina	149.984,64 KM

Ponude ponuđača EUROVEZ d.o.o. Tešanj i VUMI d.o.o. Bijeljina su unesene u sistem e-nabavki i zakazana je e-aukcija, koja je održana dana 09.07.2025. godine s početkom u 09:30 sati, i koja je trajala 2 (dva) sata i 22 (dvadesetdvije) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač VUMI d.o.o. Bijeljina ponudio najnižu cijenu koja iznosi 96.800,00 KM (slovima: devedesetšeststotina i 00/100 konvertibilnih maraka) bez PDV-a.

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjeње cijene nakon provedene e-aukcije*
1.	VUMI d.o.o. Bijeljina	96.800,00 KM	113.256,00 KM	24,49 %
2.	EUROVEZ d.o.o. Tešanj	96.900,00 KM	113.373,00 KM	24,36 %

* Označava približnu vrijednost procentualnog umanjeња nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, te da se ponuđaču VUMI d.o.o. Bijeljina, čija ponuda je ocijenjena kao najpovoljnija, na osnovu kriterija najniža cijena, a po provedenoj e-aukciji, u ukupnom iznosu ponude od 113.256,00 KM (stotinutrinaesthiljadadvijestotinedesetšest i 00/100 konvertibilna marka) sa PDV-om.

Odlukom o izboru najpovoljnijeg ponuđača broj: 13-11-4-5297/25 od 14.07.2025. godine, Općina Novo Sarajevo za najpovoljnijeg ponuđača izabrala je ponuđača VUMI d.o.o. Bijeljina.

Dana 17.07.2025. godine ponuđač VUMI d.o.o. Bijeljina. je dostavio obavijest da nije u mogućnosti dalje učestovati u postupku javne nabavke zbog promjene cijena na tržištu.

Također, navedeni ponuđač je propustio da u ostavljenom roku od 5 (pet) dana od dana zaprimanja Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostavi originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Odlukom o izboru najpovoljnijeg drugorangiranog ponuđača broj: 13-11-4-5297/25 od 01.08.2025. godine, Općina Novo Sarajevo za najpovoljnijeg ponuđača izabrala je ponuđača EUROVEZ d.o.o. Tešanj, te stavila van snage Odluku o izboru najpovoljnijeg ponuđača broj: 13-11-4-5297/25 od 14.07.2025. godine.

Dana 11.09.2025. godine ponuđač EUROVEZ d.o.o. Tešanj je dostavio obavijest da odustaje od potpisivanja ugovora, zbog promjene cijena na tržištu.

U skladu sa navedenim Komisija za javnu nabavku roba, radova i usluga je predložila Općinskoj načelnici da stavi van snage Odluku o izboru najpovoljnijeg ponuđača broj: 13-11-4-5297/25 od 01.08.2025. godine, te postupajući u skladu sa odredbama člana 69. stav (1) tačka b) Zakona o javnim nabavkama donese Odluku o poništenju postupka javne nabavke roba „Nabavka lične i kolektivne opreme za strukture CZ“.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA

Prof. dr. Benjamina Karić



DOSTAVLJENO:

- EUROVEZ d.o.o. Tešanj



Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove
tel: (387 33) 492 112, fax: (387 33) 492 145, email: zajednickipostlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

